

مجموعه سنون

از

جمعیت علمیه عثمانیه

ایکینسی پت

نومرو ۱۹

رجب

استانبول

جمعیت علمیه عثمانیه مطبعه سنده طبع اولنمشدر

۱۲۸۰

روسیده اشو معدنن سکه ضرب اوانوب لکن بر قاج سنه دنیرو
تداولی منع اولمشدر . بر جنس بومشاق یا موق کی پلاتنه
اعمال اولنور که اسمنه پلاتنه سونکری تسمیه اولنور . مولدالما ایله
تماسه کلدکده مشعل اولور و اشبو خاصه اوزرینه بر جنس لامپا
یعنی قندیل اعمال اولنمشدر .

(ادهم)

(بقیه یی مسکرة)

ناظر نافعده و معارفی عمومی

(ما بعد نومرو ۱۷)

(اصول تأمینیه)

امور بریه و بحریه و شخصیه متعلق الارق ذکر یی سبقت ایدن
سیغورطه لردن بشقه اصول تأمینیه قانونیه نامیه اوروپاده دیگر
بر نوع سیغورطه دخی اجرا اولنور که بوندن مقصد حسب القانون
اهالیسک مکلف اولدیغی بعضی تکالیفات تقیله یی ممکن مرتبه
تخفیف ایتکدر . مثلاً فرانسه ده قرعه سی چقان نفقات یرینه
بدل یرلسی جائز ایدده بدل تدارکی ان اون بشیک غروشه
متوقف اولوب هر کسک بوکا اقتداری اوله میه جغندن مخصوص
قومیه لردن سبک ایدرک داخل قرعه اولان اشخاصک حسن
رضایر بله و یردکلری بر مقدار جزئی سیغورطه ایقه سنه مقابل
قرعه اصابت ایدنر ایچون بدل تدارککی تعهد ایدرک اشته
بومقوله سیغورطه لردن فوائده و محسناتی اوروپاده تجارب حدیده
ایله ثابت اولوب فقط بونک اساس و حکمکی ندن عبارت اولدیغی
کرکی کی توضیح و تفصیله مجموعهمزک تحمیلی اولدیغندن بوراده
تأثیرات حسنه سبک بیانیه اکتفا اولیابده معلومات وافیده

استحصالی که ایتمک استیانتارک رسائل مخصوصه سنه مراجعت
ایلماری اقتضا ایده جگنی ایما ایدرز.

اشبو سیغورطه اصولی بر مملکت و یا خود بر شبهه مخصوص
اولوب هر وقت و حاله فائده لو بر اصول عمومی ایدوکنی رقات
دخی اثبات ضمیمه مصالح محلیه دن برینه تصور تله تطبیق
اوله بیله جگنی بیانه اجسار و فقه اوردینه و پولیتیکه مدخله
ایتماک اشبو مجموعه نک قواعد اساسیه سی اقتضا سندن
اولدیغی جهتله مطالعات آیه عاجزانه من مجرد نظریات قبیله دن
اوله رف بر مثال فرضی ایرادندن عبارت بولند یغنی تأمین
واخطار ایدرز.

خفی اولدیغی اوزره املاک تصرفک صور متعدد سی اولوب
برشبثک مالکی اولوق اول شیدن استحصالی متصور اولان
هر درلو فوائددن تمتع و استفاده ایتمک دیمک اولدیغی جهتله
صور مختلفه مذکور دن متصرفله کوره الک خیرلو صورت
ملکیت تامه اوزره تصرف اولمیسیدر. اشیانک قیمت و اعتباری
ایسه صاحب لرینه مستلزم اولدقلری قوائدک کثرت و اهمیته
نسبتله اولدیغندن ملکیت اوزره تصرف اولنان املاک قیمتی دیگر
صور تله تصرف اولنان املاک قیمتندن زیاده اولسی امور طبیعه دندر
حتی برکسنه مالک اولدیغی برشبثه کیف مایشا متصرف اولوب
آنی بیع و ایجار و هبه و رهن ایتمک کبی حقنده هر درلو معاملات
مشروعته اجرا سنه مأذون بولدیغی حاله اول شبثک بهاسی
وقت و حاله کوره قیمت حقیقه سی اولان درجده واصل اولدیغی
مثلاً بالعکس صاحبی استرکی و جمله اکا متصرف اوله مزایسه

اولخالده بعض فوانندن محروم قالمش دیمك اولدیغندن اول
شبهك بهاسی دكرندن دون قالور . مثلاً ترهین اولنه میان
برملك لدی الحاحه اچمه استقراعنده صاحبنك ایشنه یرامیه جفندن
بالطبع قیمتی تنزل ایدر . رهن مقامنده داینه ویریلان مالسده
مدیونك حق تصرفی پك ثابت دكل ایسه داینك امنیتی منسلب اوله رق
اقراض ایتدیکی اچمه ایچون قاحش نأوض مطالبه ایدر . الحاصل
اشیاده اصحابنك حقوق تصرفیه سی نقد و سعتلی ایسه اشیانك قیمتی
اولقدر ترقی ایدوب بودخی كرك اهانلنك و كرك دولت متبوعه لرینك
تزاید ثروت ومكنشی استلزام ایلر . شومدها دلیل عقلی ایله اثبات
اولندیغنی مثلاً او رو پاده تصرف املاك حقنده جاری اولان اصول
متبوعه ملكیت مطلقه صورت و احده سنه افراغ اولندقدینه
نتیجه حسننه مذکوره بی منتج اولدیغنی بالتجربه دخی معلوم اولمشدر
شوقدركه بعض اهل تحقیقك قولنه کوره ملكیت اصولنك عموم
حقنده فوائدی انكار اولنه مز ایسه ده بعض او رو پامالکنده
الیوم اراضی اوزرینه طرح اولنان تكالیف و برطاق اهانلنك دوچار
اولدقلاری فقر و سفالت ملكیت اصولی نتایجندن اولوب
شو محذور مقارن صحت اولدیغنی تقدیرجه دخی چونكه
مقصد عمومك منفعتی اولدیغندن ضمنده خصوصك متضرر
اولسنده بأس کور یله میه چکی درکاردر .

ممالك محروسده ملكیت اوزره تصرف اولنان املاك پك از اولوب
اکثریسی بشقه اصولار تحتنده ایسه ده بوراده مرادمز تصرف
املاك حقنده اولی اولان ملكیت اصولیدر . واول حالده شمیدی
بونك ممالك محروسده تعمیمی ممکنیدر و نصورتله اجرا اولنه بیلور

کپی مباحث مهمه به تصدی ایتمک اولیوب انجق ممالک محروسه ده
بولنان املاک و اراضینک اداره حاضرلرینه قطعاً طوقنیدرق
اصول تأمینیه واسطه سیله بالمله متصرفلر ملکیت اصولنک
قواند عظمیه سندن حصه مند اولق اوزره بر طریق ارائه سندن
عبارتدر . بویابده ایراد اولسه جق مطالعات عاجزانه مز یالکز
املاک و اراضی موقوفه به عائد کبی کورینور ایسه ده بونلره
مخصوص اولیوب علی العموم ملکیت صورتنده بولنسان هر درلو
املاکد راجعدر . وقفیت اوزره اداره اولنان املاک اصحابینک
بلا ولد وفاتلری وقوعنده مر بوط اولدقلری وقفه رجوع
ایتدیکندن بونلرک بوصورنله محلول قالمسی احتمالی صاحبیلرینک
حقوقنی بالوجه تغیر ایتمیکی جهته املاک مذکوره قیمنک
تنزل ایتمسی لازم کلور . بالاده بیان ایلدی کمزوجهله سائر سیغورطه
قومیانلری اصولنه توفیقا ممالک محروسه ده برنوع محلول قومیانلری
تشکل ایدرک املاک موقوفه اصحابی ایستک ایدنلرندن تحت
تصرفلرنده بولنان ملک موقوف قیمنه کوره سنوی بر مقدارشی
الور و بو کما مقابل اومقوله سیغورطه اولنمش املاک محلول
قالوب مزایده اولسه جقلری وقت بدل مشلی اوقافه تأدیه برله
متوفانک ورثه سنه مجاناً ویرلک اوزره محلولانک استردادنی تعهد
ایدرایسه هم اوقاف نظارتی محلولات بدلنی تماماً اسلیفا
وهمده سنوی قویا نیسه ویریله جک مقیدار جزئی به مقابل
محلول قاله جق اولان املاک ینده متوفانک ورثه سنه انتقال ایده جکسندن
اصول حاضره قطعاً خللپذیر اولیدرق املاک موقوفه ک محلول
محدوری مندفع واولخالده بونلرک قیمنلری ملکیت اوزره

تصرف اولنان املاك قيمتیه مساوی اولور . حتی بالاده کوسرلديکی وجهله ذکرده کیلر غرق وتلف اولمسنک منعی چارهسی اولديغی حالده اصول تأمینیه بحریه اوزره سیغورطه بدلنی تأدیه ایتمش اولان تجار سفینهسی قضا زده اولسون اولسون بونلره هر درلو مخاطراتدن مصون نظر یله باقلدیغی مثللو رسم سیغورطهسی تأدیه اولمسنک ملک هر تقدیر اوقافجه محلول قالمسی ملحوظ ایسده صاحبی نظرند عین ملک اولمش اولور . بومثللو بر قومپانیه تشکل ایتسنک اوقافجه برکونه محذوری اولمسوب عموم حننده فائدهسی مسلم وبوندن کلی تمنع حصوله کلسی دخی امر غیر مسمدز . چونکه هر کس سنوی بر مقدار جزئی اقد مقابلنده محلول غائله سندن امین اوله رق زیر تصرفنده بولنان املاکی ملکیت اوزره اداره ایلکه بالطبع رغبت ایده جکسندن بونجه اوقاف اصحابندن انسه جق رسم جزمیدن مبالغ کلیه حاصل اولوب بونکله دخی هیچ اولمز ایسه دولت اسهامی اشترا اولنده رق یوزده اون فائض انسه جخی درکار دز . فقط بومثللو بر قومپانیه ایچون اقتضا ایدن سرمایه نک تدارکنده الیوم صعوبت اولدقدن یشقه محمولات حین مزایده ده هر نه بهایه چیقاجق اولور ایسه اولسون اشتراسی تعهد اولنه مبه جفتدن محلول سیغورطهسی قومپانیهسی تشکل ایتسه دخی سیغورطه اولنده جق املاک ایچون حد غایت اولق اوزره بر بدل تعین اولنوب حین مزایده ده ملک محلولک ثمنی اشبوبدل معنی تجاوز ایتدیکی حالده عینا استرداد ایتسوب بدل مذکوری ویرمکه قومپانیه نک صلاحیتی اولمسی طبیعت مصلحت اقتضاسندن اولدیغدن و بنأ علیه ملک محلولک هر حالده ورثه یه

عیناً استرداد می ممکن اوله میه جفندن شو محلول محذوری بالکلیه
 برطرف اولدی دینه مز دیووبابده اعتراض اولنور ایسه اشبو
 قومپانیه معاملاتی اوقاف نظارت جلیله سی طرفندن اجرا اولندیغی
 حالده شو محذور دخی منصفع اولوب تمتعات واقعہ نظارت
 مشارالیهایه عائد اولور و اولخالده اوقاف نظارتک اصول و نظامات
 حاضرہ سنہ ادنی مرتبه تفریکلر شو قدرکه محلول سیغورطه سی
 رسمی نامیلہ بر رسم جدید احداث اولنوب محلولدن تأمینی مراد
 اولنان املاک اوقاف معرفتیه تخمین ایتدیریلرک اکاکوره اوقاف
 خزینہ سنہ سنوی بر مبلغ معین اعطاسی لازم کلد جکسندن
 اشبورسم تأدیہ اولندیغی مدتیجه املاک صاحبی محلول غائلہ سندن
 امین اولوب محلول قالہ جق اولور ایسه مزایدہ یه دخی قولیہ رق
 بلا بدل متوفانک ورثہ سنہ اعادہ اولنور رسم مذکور اعطاسندن
 برسنہ کاملہ امتناع اولندیغی حالده اولدن ویرلش اولان رسم
 اعادہ اولنمقدن بشقہ محلول وقوعی تقدیرندہ شمدیکی اصول
 اوزرہ نظارت مشارالیه طرفندن ضبط و فروخت اولنور برقاج
 سنہ متوالیاً رسمی ویرلش اولان املاک اشبو سیغورطه فائده سندن
 محروم قالما سیچون اصحابی طرفندن تأدیہ سنہ دوام قلنہ جغی درکار
 و اوقاف نظارتک الیوم محلولاتدن حاصل اولان تمتعاتنہ قطعاً
 خلل کلکسزین اصول حاضرہ کرک دولیجه و کرک ملتجه فائده سی
 مسلم اولان برصورت جدیدیه بالسہولہ افراغ و بلاولد بولسان
 املاک موقوفہ اصحابی محلول اولور خوفیله املاک لرینک مواضعه
 بشقہ لر ی عہدہ سنہ کچورملرینہ حاجت قالیه رق بو وجهلہ دائماً
 پک چوق فساد ی داعی اولان شو محذور دفع اولنمش اولہ جغی آشکاردر.

محلول سیغورطه سی^۱ یا لکن بلا ولد بولنان اوقاف اصحابنه الویریشلی
اوله جفتندن بوندن اوقاف واردا تی تناقص بولور دینلور ایسه
اشبو اعتراض بالکلیه واهی و بی اساس اولوب چونکه اصول
تأمینیه شخصیه یه توفیقاً سنی التمش والتمش بشه وارمش یعنی
بش اون سنه عمری قالمش اولان کسه نك اون یك ویکرمی یك
لیرالق سیغورطه المسنه مانع اولمدیغی مثلاً موضوع بختز اولان
محلول سیغورطه سیچون ویریله جک رسم حسابنه ملک صاحبک
اولادی اولوب اولماسی مطالعه سنک دخلی اوله مز . مع مافیه
بو بایده کسب امنیت اولنق اسئلدیکی حالده مثلاً اوج ویا خود
درت سنه متمادیاً سیغورطه رسمی ویرلش اولان املاک موقوفه
محلول وقوعندن مصون اولوب ماعداسنک کماکان اوقاف
خزینه سندن ضبط اولنسی ماده سنک دخی^۲ سیغورطه
نظامنامه سنه ادخالی اقتضایدر بوتقدیرده املاک موقوفه
صاحبی **کک** اولادی اولسون **کک** اولسون اوج
درت سنه ظرفنده نه ظهور ایده جکی بیلنه مسدیکی جهتله
متصرف اولدیغی موقوفاتی برآن اقدام ملکیتیه تحویل
ایدرك محلول غائله سندن قورتلق ایچون اقتضایدن
رسمک تأدیه سنه مسارعت ایده جکی درکاردر . خلاصه کلام
محلول سیغورطه سی رسمی ادا ایتمیلر حقنده الیوم مرعی اولان
اصول اجرا اولنق و رسمی تأدیه اولنمش املاک محلول اولدقده
رسم مذکور اومقوله املاکک فروختدن حاصل اوله جق مبالغه
قارشولق طوتلق اوزره سیغورطه مذکور اوقاف خزینه سی
طرفندن التزام اوله جق اولور ایسه املاک قیمتک ترقبسندن

وملكيك كسب ايدہ جي اميتدن طولاي دولت ومنتجہ فوائد
 كليہ حصولہ کلوب عندالايجاب تفصيلاتي کوستر مکہ مقتدر
 اولد يغمز وجهله مثلاً بشيوز ليرا بها تخمين اولنان برماک موقوف
 ايچون محلول سيغور طهسي رسمي اوله رق اوقاف نظارت
 ستوي يالکز بر ليرا اله جق اولديغي حالده اليوم محمولات
 فروختندن اوقافه عائد اولان مقدار اسيفاولندقدن صکره
 هيچ ازلمايسه برملون ليرا تمتع ايدہ جي بي اشباهدر . مبلغ مذکور
 هر نقدر کلي کورينور ايسه ده چونکه اداسي اختياري اولوب
 املاک موقوفه صاحبي رسم مذکورک اعطاسيله اراضيسني املاک
 تحویل و بوجوهله فوائد کليہ تحصيل ايدہ جکندن رسم مذکور
 ججه طرفندن بالمخويه ويرلسي امر طبعيدر . اشبو سيغور طه
 اصولي اجرا اولنديغي حالده املاک قيمتده حصوله کله جک
 ترقی به نظرأ فرانسه وانکترده املاکک رايحي اساس اتخاذ ايله
 حساب اولنور ايسه الی سنه و بلکه دهها آن وقت طرفنده اشبو
 رسم اختياريدن حاصل اوله جق مبلغ اليوم فرانسه ده وانکترده
 اراضی ويرکوسندن حصوله کلان مقداره مساوی اوله ييله جي
 مأولدر .

(الکساندر قره طودوري)

(قدمای ملوک مصریه تاریخی) (مابعدنومرو ۱۰)

پسامتيك

پسامتيك عساكر يونانيه ك اولوجهله وقوعولان امداد واعانه زينه